

Zone ineriartornermut qaninnerpaaq

Zone ineriartornermut qaninnerpaaq (ZNU) ineriartorfinni- aamma ilinniagaqarfiusuni tamani atorneqarsinnaavoq.

Zone ineriartornermut qaninnerpaaq tassaavoq ammalortoq zone-nut pingasunut agguagaq (asseq tunuaniittoq takuuk):

- 1) Zone toqqissisimaffik / atuortoq nammineersinnaavoq
- 2) Zone ineriartorfik / atuortoq ikiorneqarluni sapinngilaq
- 3) Zone toqqissisimangiffik / atuortoq sulii saperpoq

Atuortoq Zone toqqissisimaffimmiippat, taava atuartup suliassat piunasaqaatillu tunniunneqartut toqqissisimaffigaaq isumaqarpoq. Atuartitsinermit atortut ajornarpallaanngillat, suliassallu nammineerluni atuarneqarsinnaallutillu suliarneqarsinnaapput.

Atuortoq Zone ineriartorfinmiippat, taava atuartup allanit suliassat atuartitsinermit atortut naammassinissaannut ikiorneqarsinani pisariaqartikkaanik isumaqarpoq (assersuutigalugu ilinniartitsisumit atuaqatiminilluunniit).

Atuortoq Zone toqqissisimangiffimmiippat, taava ilinniartitsinermit suliassat nalunarpallaarmata, atuartup ilikkagaqarnissaa ajornartoq isumaqarpoq. Tamanna atuartumut toqqissisimajunnaartitsisarpoq, puffassimaarnermik, akerliunermik imaluunniit uniinnarnermik kinguneqarsinnaasoq.

Atuagarsornikkut atuortoq naammattumik unammillerneqarpa?

Atuortoq nalunarpallaanik (Zone toqqissisimangiffik) imaluunniit ajornanngippallaartunik (Zone toqqissisimaffik) suliassinneqartuaruni, taava imminut tatiginnginnermik, susassaaleqinermik kamassaqaalernermilluunniit atuartumut pilersitsisinnaavoq, annertuallaamik imaluunniit annikippallaamik unammillerneqarnerata kingunerisaanik. Tamassuma kingunerisinnaavaa, atuartup eqqissiviillulernera, klassimit aninera, atuartitsinerup atuaqatiminillu akornusersuina, nerrivimmi innanganera, nipituunik nipiliornera, ilinniartitsisumik akinnittalernera il.il. Qisuariaatsit taakku assigiinngitsunit aallaaveqarsinnaapput, tunngaviumillu pitsaasarpoq atuartup suliassanut tunniunneqartunut naammattumik unammillerneqarnera eqqarsaatigalugu aallartiffittut atoraanni.

Atuartitsisutut piffissamik nukinnillu atuilluni ineriartortuarnissaq pingaaruteqarpoq, taamaalilluni ilinniartitsisutut atuartut ataasiakkaat ineriartorfiata killiffia ilisimassallugu. Atuortoq Zone toqqissisimaffimmiittuarpat, taava atuagarsornikkut naammattumik unammillerneqassanngilaq. Atuortoq Zone toqqissisimangiffimmiiginnarpat aamma tamanna taamaappoq, atuortoq atuagarsornermit angusaqassanngilaq, taamaalilluni atuagarsornikkut imminut tatigiunnaarluni imaluunniit kamalerluni qisuariarsinnaalluni.

Taamaattumik atuartitsinermit atortut atuartunut ataasiakkaanut Zone ineriartorfianiittunut atussallugit pingaaruteqarpoq. Atuartitsinermit atortut Zone toqqissisimaffiup aamma Zone ineriartorfiup akornani inissisimappata pitsaaneruserpoq.

Tassani ineriartorneq pisarmat 😊

